


新脩白鹿洞志序



白鹿洞之名尚矣肇於唐為二李
藏脩游息所似有待者南唐後為
國學聚生徒無慮數百人然所業
者詩賦詞章為俗學而已宋興即
斯地為書院勅額賜書而真儒
周朱二先生相繼知南康軍事先後

闡明正學

文公又脩其廢墜請於朝增設殿廡
以奉

先聖先賢如郡邑學校制置田廩士
設館延賓集諸儒討論聖賢實學
四方士翕然宗之肆道學盛傳於
江右迄於今為烈而書院亦相沿

不廢則地固以人重哉余自束髮
為諸生時稽載籍見學士大夫侈
談白鹿洞名勝心竊折又慕烏思
一鄉往而未由也邇承乏南康為
斯地主至則憫朱學為宗禪者所
非因上官命聘南昌高士聯師儒
相與講明之語具別集中無論學

術即文公槩諸節所爲養士田亦
籍入於官而鬻之民益故相嫉私
會書院者非議朝政故厲禁之而
波及於斯則奉行者之過也幸天
不遺斯文

上採省臣議下守臣再造之舊物稍
稍光復而缺畧尚多蓋時絀舉羸

勢則然耳塋也生同文公鄉而宦
趾其後不忍緩視其頽廢也既次
第脩葺宮墻矣又徼顏家山神靈
之惠購田七百畝附益之聽輿論
爲請於

當道許附洞入誌遷舊鏤剝蝕不
可讀亦一更新之會也乃命星子

白鹿洞志序
三
周司訓及二三文學纂脩之而不
佞亦時爲剛繁正謬蓋惟繕寫舊
文而增其所未備非有所專僭於
其間也刻成爲之紀歲月以告來
者若夫崇正學以端士習勵實踐
以祛虛談辯義利以泚人心以無
忘周朱之教而爲茲洞光則端有

望於同志諸士而亦不佞之脩洞
繕誌意也觀美云乎哉

萬曆二十年歲壬辰孟冬之吉知

南康府事閩延平田瑄撰



聖林向	義遠	葉	南						
-----	----	---	---	--	--	--	--	--	--

白鹿洞形勝圖





白鹿洞書院志目錄

第一卷

沿革志

第二卷

形勝志

第三卷

人物志

附經史子集

第四卷

祀典志

附歲辨

第五卷

同志目錄

文志

奏疏

公移

第六卷

文志

洞規

策問

講義

說

第七卷

文志

戒

論

書

第八卷

文志

記

第九卷

文志

序

告文

銘

辭

賦

第十卷

文志

詩

第十一卷

田地山塘志

附清解

給贍

第十二卷

外志

白鹿洞書院志卷之一

主洞周偉洞生

戴策獻表
熊價黃希孔 緯校

沿革志

白鹿洞者唐李渤讀書處也初貞元中渤與兄涉
俱隱廬山而渤養一白鹿甚馴行嘗隨之人稱為
白鹿先生及寶曆中渤為江州刺史就今書院地
創臺榭以張其事而白鹿洞遂盛聞於時矣先是
魯公顏真卿寄居郡之五里牌厥後裔孫顏翊率
子弟三十餘人受經洞中南唐昇元中因即其地
聚徒建學置田乃命國子監九經李善道為洞主

號曰廬山國學宋初置爲書院益開拓之乃與駐
陽石鼓嶽麓三書院並名天下是時學徒常數十
百人太平興國丁丑詔從知江州周述請俾國監
給印本九經驛送至洞後又官其洞主明起使爲
褒信縣簿壬午置南康軍洞遂屬焉咸平壬寅又
詔有司脩繕之而祥符初直史館孫冕乞骸骨願
就白鹿洞許之未至洞而卒皇祐中比部郎中琛
冕子也因父志起館洞旁教子弟四方來學者穀
之章聞於時當塗郭祥正有記刻石後館燬於兵
石徙天慶觀會觀廢刻竟不存淳熙己亥朱子來

知軍事初建書堂檄軍學教授楊大法縣令王仲
傑董其事於是洞學復興詳見呂祖謙記尋置谷
源等莊及旁邑沒入田八百七十餘畝爲學田以
贍生徒又以嶽麓書院例請勅額并高宗御書石
經與版本九經疏再上而後允歲壬寅朱子提舉
湖東復遺錢參拾萬屬軍守錢聞詩建禮聖殿并
兩廡塑孔子十哲等像越三年軍守朱端章加板
壁繪從祀者像而以浮屠詭名沒入田七百餘畝
益之加定辛巳軍守黃桂增闢三門又以沒入田
三百畝定西源莊而咸淳間軍守劉傳漢增置貢

士莊元大德間燕山崔翼之爲守又增置上壤田百畝學士虞伯生有記元季兵燬累世之興構遂鞠爲荒莽而學田之疆畛盡亡矣

大明正統戊午東莞翟溥福來守始剪荆棘以復其制成化間提學僉事湖州李齡增廓之置學田祠器書籍等項聘請布衣餘干胡居仁主教洞學四方宗之書院大振後御史陳詮唐龍提學蘓葵邵寶蔡清李夢陽相繼作興如唐龍奏起蔡宗克主洞事尤稱加意自嘉隆以來有職者具益崇重增置田廬有差詳載各志至萬曆己卯張江陵議禁

書院洞學亦在禁中而洞田官鬻歲癸未給事中鄒元標題復叅政程拱宸檄知府潘志伊脩祠宇贖田畝規制粗定經畫尚缺至己丑知府延平田瑄經理書院遂申請提學朱廷益禮聘南昌布衣章潢來洞講明理學揭示洞規於是脩葺殿宇號舍改建橋梁門路改三賢祠於殿左移文會堂於殿右建忠節祠於洗心橋之東復五里牌顏家山之康洞憇館表揚忠節義置田柒百餘畝立倉廩儲租以贍給生徒識者謂洞學再興斯文復振云

大成殿朱子赴湖東提舉時以錢三十萬屬軍

守錢聞詩勅禮聖殿并兩廡後廢正統戊午
知府翟溥福鼎建改名大成弘治中提學蘓
葵再建復名禮聖植雙檜於殿前

東西廡宋錢聞詩建成化丙戌知府何濬再建
蘓葵重建

大成門溥福建蘓葵重建今改禮聖門

櫺星門成化丁亥知府何濬建蘓葵等重建知
府周祖堯易以石柱

明倫堂溥福建堂前植杉數株蘓葵重建黃氏
掘地得文公簡黃商伯石刻收嵌明倫堂東

壁今不存

二門溥福建葵等重建弘治癸亥提學邵寶額
體大書正學之門門外植竹數十竿

貫道門在櫺星門西數步

三賢祠朱子既去郡諸生為立生祠於講堂西
移書撤之朱子既開禧乙亥諸生遂以濂溪
二程與先生合祀於講堂後廢及溥福為守
於大成殿西立三賢祠祀朱子李賓客濂溪
三先生而以陶淵明劉凝之陳了翁劉道源
配今改置

宗儒祠即三賢祠也弘治戊午提學蕪葵止祠
周朱二子而遷李賓客主於別室後提學邵
寶又以嘗從朱子講學於洞者十四人配之
趙淵又并祀象山易名宗儒祠萬曆辛卯知
府田瑄以舊文會堂靜僻可棲先賢之靈改
置爲三賢祠

先賢祠在今三賢祠前祠李賓客一十六人蕪
葵等建在大成門左延賓館舊址提學蔡克
廉易其扁曰洞賢祠今仍舊

忠節祠原在舊三賢祠儀門左側祀諸葛武侯
陶靖節先生春秋移主合祭於先賢祠序於
李賓客之上萬曆辛卯知府田瑄建祠於洗
心橋東春秋專祀饗以特羊儀帛自爲記

文會堂宋嘉定間朱寺正建曰會文堂陳寺丞
改文會堂紹定中卓守史文卿改君子堂後
廢正統中翟溥福重建蕪葵再建即中婁性
墨扁萬曆辛卯知府田瑄改宗儒祠爲文會
堂

白鹿洞初鹿洞有名無洞嘉靖甲午知府王濬
乃闢後山爲之築臺其後知府何岩鑿石爲

康寘于洞中嘉靖辛亥御史曹忭建亭于上
自爲記

號舍新舊計陸拾間蕪葵建

大門舊在明倫堂前溥福葵等建萬曆辛卯知
府田瑄移置今文會堂前跨澗建貫道橋以
通出入扁曰勅賜書院文公筆

獨對亭在枕流橋東提學邵寶建并題扁

朋來亭在洞右山背嘉靖戊午提學王宗沐建
釣臺亭在釣臺石上正德辛未李夢陽建自爲
記顏體書碑陰橋白石篆書五老峰三字

大意亭在文行忠信石東正德辛巳御史唐龍
建自爲記知府田瑄扁曰觀德亭以演射禮

高美亭在洞前山嘉靖四年御史徐岱建

聞泉亭在左翼山嘉靖庚申巡撫何遷建

六合亭在迴流山上正德辛未知府劉章建李
夢陽篆記今廢

康洞懋館館凡二一在罷庠之東一在縣城之
北淳熙間朱子建之以待來學者入城館穀
之所今罷東址久廢惟城北顏家山舊址碑
砌石柱猶存萬曆辛卯知府田瑄清查脩復

增置田租倉廩令生徒得便館穀無失文公遺意周圍環以土塹以杜侵漁

射圃在觀德石之前久廢

紫陽遺惠倉在府門內以貯洞租同知趙琮建
康洞倉廩在顏山顏公祠右萬曆辛卯知府田
館建

書院庄屋三間在建昌顯慈寺

山水輝光坊舊在書院前嘉靖間御史曹忭建
蕭端蒙題扁萬曆六年提學江以東改監廻
流山之首扁曰高山仰止

前脩逸迹坊在流芳橋西御史曹忭建蕭端蒙
題扁提學江以東改題曰聖域賢關

白鹿書院坊在今溪口橋址星子知縣崔致建
李夢陽額體大書石扁

白鹿貢院宋時諸路各有貢院淳熙元年郡守
孫嗣祖建於羃治之西嘉定中郡守黃桂增
廓其居後以大比就試者衆乃改建於軍治
今莫詳其址

聖旨樓在書院內宋咸平五年勅有司重繕建
樓以藏詔勅

希賢室在三賢祠後何濬建今廢

延賓館在大成門左成化己丑提學李齡建今廢

聖經閣在明倫堂右宋時建今廢

雲章閣在講堂東宋開熙乙丑李山長建今廢

五經堂在文會堂前宋郡守史文卿建成化間

提學李齡重建今廢

講堂知府翟溥福建今廢

十賢堂在大成殿後今廢

攝儀堂在書院中門外宋郡守陸德輿建今廢

友善堂在觀德亭側宋郡守陳洽建今廢

成德堂在雲章閣下今廢

風雩亭在書院前山之右文公與諸生每入洞

中列坐其上書風雩二字今廢

風泉雲壑亭又名崇文閣在書院勘書臺右有

泉自洞左出文公愛之蹠為小瀑布後李山

長建亭今廢

自潔亭在枕流橋西今廢

枕流亭在勘書臺下今廢

光風霽月亭在洞前山後移置風雩石左今廢

百花臺在書院東與枕流隔溪相對舊傳李萬卷雜植花木故名今廢

勘書臺在書院東七姑廟後宋李萬卷校書之所文公訪其遺跡建亭其上今廢

白鹿精舍在書院西文行忠信四字石後今廢

七姑廟在勘書臺下世傳即唐江州刺史李渤女也宋淳熙間鄉民立廟祀之文公親書其額今廢

白鹿洞書院志卷之二

形勝志

主洞周偉洞生戴策獻袁續熊儼黃希孔校

大江之西豫章為一大都會夙稱文獻其山自五嶺大庾武功而來會于匡廬其水自章貢盱汭而來會于彭蠡匡廬彭蠡奇秀甲西江而白鹿書院又匡廬彭蠡之最勝也書院之脉來自五老人峰峰蒼顏翠面壁立萬仞中一峯坡陀南下如頓萬馬行數十里突起一山而四山環之是為後屏山山之陽即今白鹿書院也院負突而臨溪溪前一

山自五老峰來過白鶴觀逆上流至書院前若玉
几然從前則稍振起是名卓爾山三峰透出几外
如列三台原與書院橋門相對溪會二水由西北
來一自犀牛塘道經鹿眠款石釣臺貫道溪包絡
書院迎院左小澗合流出峽峽壁峻削盛有先賢
遺跡左翼山亦自五老峯來翱翔至書院前與卓
爾山兩相交織當兩峽中飛湍陡絕跨澗為橋是
名枕流至溪水一發噴雪奔雷吽吽直下里許循
左翼山而出其山高敞軒豁群峰輻輳溪水潺湲
諦聽之涓涓有聲聞泉亭作烏卓爾山外寬平可

數畝有小嶼自右來蜿蜒橫抱一山自左來迤邐
雄壯溪觸之則折而南是名迴流山其上四面岑
巖頂夷曠一望無際而六合亭作烏下跨溪為流
芳橋橋後先二枋夾溪相歌映山前亦寬大可數
十畝隔溪前山高數十尋曰羅漢嶺為書院外案
三峯相連狀如筆架與後屏山相對峙去迴流山
二里許為書院石枋渡溪口橋接官路為中館舖
溪由舖東南曲折至梅溪湖入彭蠡大江兩山夾
送直至湖濱有二曜星扼其水口而都昌陽儲七
峰排闥相映此鹿洞山水之全勝也由洞前舊南

路踰羅漢寺嶺可十里抵顏家山文公以魯公故居建立懋館修復橋梁以便往來由顏家山再五里則罷治也由洞右登李家山是為北路復東出會官路亦有書院石枋今仆於地扁石尚存行數步為寒泉亭又一里許即闢牛岡也自此過吳章山六十里抵九江府治五老峰下有二洞由石磴而上有水簾三級泉去書院十里所懸崖而下甚為奇絕文公所謂新瀑是也又去書院五里有棲賢橋水自五老峰下大小支流九十九派皆入三峽澗中文公嘗遊寓焉過棲賢抵卧龍岡為文公所卜隱地

山水佳麗莫可名狀皆洞學周遭之勝槩也可弗紀乎亭榭石刻詳見分款

書院後有五老峰峰在廬山東南橫隱蒼空迥壓彭蠡自下觀之勢如倚立自上觀之相距甚遠巉削壁立數百仞軒軒然如久筮踞而窺重湖又如五雲翩然欲飛湖山煙水微茫映帶東南州郡軒豁呈露可指顧而盡李太白詩云廬山東南五老峰青天削出金芙蓉又曰予行天下所遊覽山水甚富峻偉詭特鮮有能過之者真天下之壯觀也其中峰

脉出則曰鹿洞書院下有太白書堂楊銜隱
居符載隱居李庭筠書堂

後屏山有鹿鳴亭石洞後屏山者如屏障翠列
洞兀坐其中是以得名初鹿洞有名無洞嘉
靖間甃石為之更鑿石以肖鹿形寘諸洞中
又亭於其上曰思賢臺亭曰鹿鳴亭石刻先
賢書院白鹿勝洞景賢臺思賢臺俱李時進
筆白鹿洞天河遷書思賢臺劉世揚書理學
淵源李衡崖書俱在臺畔

後屏山西為朋來亭亭在思賢臺北眺望五老

對峙若賓主尊嚴第二峰頂有星巖天霽望
之有光探竒攬秀者皆心賞之提學王宗沐
有記并詩

朋來亭隔溪有鹿眠場往者李渤鹿洞今不知
其處或曰即鹿眠場也夫鹿眠場何以洞言
地近矣而不似李夢陽曰在三疊泉壑中乃
今所謂石門關劉世揚所謂玉川門者洞似
矣而不近唐龍大意亭記則曰鹿洞湮矣三
者槩之未有得也蓋陳舜俞廬山記曰唐李
渤與兄涉偕隱白鹿洞後為江州刺史廼即

洞築臺環以流水雜植花木為一時之勝夫
舜俞去唐不遠五代宋初相沿遺跡俱存猶
可考見既曰隱居鹿洞又曰即洞築臺則今
書院即隱居之址亦即鹿洞所在而鹿眠場
即鹿所常眠處也三疊壑中既無築臺遺跡
陳舜俞未嘗言朱晦翁經營鹿洞亦不言鹿
洞在彼則亦何據而云然哉且三疊泉壑去
書院十里而遙窮山邃谷人迹罕至蓄鹿於
彼大非人情凡考古者欲其實若前無所稽
徒為高論是我自作古而古跡亦不必憑也

縉紳大夫一言而天下後世藉為口實可易
易哉或曰然則何以謂之洞曰廬山如僊居
洞蓮花洞皆無洞祇以四山迴合似洞而名
鹿洞亦其類耳見廬山紀事石劄鹿眠處三
字文公筆李夢陽書鹿洞二大字於其崖水
截石亘相切有聲文公又書漱石二字

釣臺亭在鹿眠場東溪過漱石有石方平峻削
盤據溪流文公嘗釣於此提學李夢陽亭於
上命曰釣臺亭自燕記石劄釣臺二大字文
公書意不在魚劉世揚書碑陰大篆五老峰

三字太原喬字書

卓爾山有高美亭當書院之前有山突起端巖
竦立提學鄭廷鵠命之曰卓爾山御史徐岱
又亭於其上曰高美亭

大意亭在高美亭下高美亭西下其地寬敞林
木蒼蒼眺望五老盡得其槩是以得名御史
唐龍建自為記石劖文行忠信四大字文與
行對忠信聯書當文行之中文公書陳綽摹
刻在精舍北澗石上四明趙參魯為之說亦
劖於石聽泉二字在文行忠信石上觀德二

字在文行忠信石南風零二字在聽泉石東
隱處二字在風零石上流杯池隸字在風零
石下相傳俱文公筆舊志公與其徒環石而
坐流觴劇飲浩歎其處是也蔡可泉書吾與
點也之意六字千古不磨四字趙參魯三書
三台石三字以文公書風零於華蓋石又書
於此故書三台石以配之

左翼山有聞泉亭山在書院之左若翔若垂故
以得名上用群嶽下臨三峽溪流有聲都御
史何遷借主洞真安國夜坐其上各有聞因

以名亭曰聞泉云後御史秦大夔題其扁曰
挹翠環秀副使馮景隆扁曰道脉長流

獨對亭在左翼山下獨對亭望中對五老而作
也志為李萬春勘書臺崖石峻削澗水湍急
弘治間提學邵寶建李夢陽銘併書陽明先
生有獨對亭望五老詩親書明倫堂壁間東
郭先生以下各有和石劄臺西有泉曰聖澤
泉劄聖澤之泉四字風泉雲壑四字亦劄於
其側陳淳祖筆或曰文公筆澗中有砥柱二
字李夢陽筆觀澗二字彭治筆又砥柱南有

源頭活水四字主洞陸洲筆正學源頭四字
陳嶽麓筆悟悅二字月泉二字俱劄平嵩筆
題名志慶元丙辰之臘月太守廣陵趙公脩
白鹿書院十有六日知縣事梁翊以督役至
此教授吳中堂長吳堯佐學錄余坦直與趙
規

迴流山巔有六合亭小三峽水過枕流橋北溪
石激水又南有小溪來會之水益湍怒洶洶
有聲流一里所有山雄峙當水所行道溪遂
觸折而南故名其山曰迴流山亭在山巔正

德間郡守劉章建李夢陽記石刻迴流山三字六合亭柱刻俱李夢陽筆

先賢祠前有甘泉泉深濶僅二尺味甘潔如飴不汲不盈屢汲不涸又名聰明泉推官徐進浚為井文會堂後有新井提學李夢陽鑿自為銘今湮

顏家山有白鹿洞懋館由書院抵山十里由山抵郡治五里脉從羅漢嶺迤邐南行至五里牌豁為平岡左右兩水夾抱蜿蜒曲折狀類龜然右一山橫竹前伏外見都昌諸峰尖圓

秀峙左山奔突直前與後山合交絡水口為郡治來脉所注風氣融結識者每貽識焉唐永泰間魯公顏真卿偕殷亮常伯尼輩遊西林賦醉石經茲山愛其佳麗遂築室待命於斯迄唐末裔孫顏翊率子弟三十餘人受經白鹿山中歷五代而宋而故居湮沒後文公為郡守尋其舊址立鹿洞懋館於上以待來學元末兵燬遺址礎堊石門尚存其兩傍民多野塋然未有知其異者萬曆辛卯奉詔清查先賢遺跡而知府田瑄考郡誌爰建候亭士

民請祀玄帝亭中復建祠以祀顏魯公與其
孫翊春秋致祭碣宋孝女馮素貞之墓表元
儒黃節庵之墳祠上建文昌閣一座祠左建
鹿洞懋館而奉節庵於樓下右建鹿洞積倉
而儲洞租於其中山前暨忠孝節義石坊以
杜豪右侵占蓋為斯地計深遠矣時有忌者
院道遂行文革玄帝為書院而特祀魯公為
聖澤源泉去書院可二里遡澗至山夾中鳥道
崎嶇攀蘿可入泉底仰視之巖斷石磊落蓬崖
蔓延源從陵霄峰來由夾口瀉下可數十丈

大如瀑練微似濺珠故有小三疊之名嘉靖
間主洞貢安國題曰聖澤源自為記石刻遙
通洙泗四大字小三疊三字

犀牛塘其水亦自陵霄峰來上下兩塘注水西
南流逕白鶴觀背會聖澤源之水同入貫道
溪

洗心橋橋在流杯石下諸生肄業其中一切名
利脫然如洗故以洗心名橋正德末年建

貫道橋貫道門在樞星門西數步溪曰貫道溪
橋曰貫道橋皆文公命名原有文公貫道橋

記劉蕡南崖盜剽去郡守陳敏政重建隨地
成化間提學李齡命同知譙贊重建復圯遂
理延賓館出入門遂在橋星門東矣萬曆十
九年郡守田瑄仍復舊門跨澗架木橋亭其
上題曰遊息亭為蛟水所壞次年復命工甃
以石悉如枕流橋制提學朱廷益記

枕流橋枕流橋溪流出峽飛湍陡絕而石枕之
因以得名文公時建橋原有亭今廢水出峽
口石激之蕤蕤有聲猶若鼓吹驟雨湧濤狀
若釀雪怒若飛霆激起而噴若煙若霧此書

院之奇觀也故稱小三峽石剽峽口上下皆

先賢遺跡左壁有白康洞三字勅白康洞書
院六字溪石有枕流二字白康洞三字自潔

二字俱文公筆橋南題志永嘉陳淳祖假守

是邦被命造朝以書考日謁薛康洞會講預

者元寮於丘璉山林棟堂長陶一桂洞正缺

缺與仁前洞正主祠缺缺缺祿張傳一講書

劉缺缺陶應子黃有關堂書杜端甫直學傳

仕龍歐陽綱學諭與諸生幾百人景定庚辰

良月旦日題胡泳題志番陽李侯駿嘉定戊

辰歸自武昌訪書院經小三峡愛清泉之奔
流懸崖之對峙出缺缺缺缺鹿洞諸生翔亭
峽上後十年戊寅郡人胡泳以三山黃公幹
所留缺陳宓缺鼎新崇大之扁以枕流亦莫
揆音翔之由也又四年李侯守池陽泳客于
池昉聞其始末是秋侯之子仁廣甥夏昌字
昌辰寔合洞之士友七十有八人舉酒亭上
相與嘆歲月之易流幸來者之有繼也因書
其事刻寘崖石七月壬申胡泳題 自潔亭
在洞口今廢舊有自潔二字朱文公嘗書此

以名洞溪今逸其跡嘉定乙卯莆田陳宓謹
書自潔二字在題志側又方豪書躡鹿坡三
字喬白巖篆書白鹿洞三字五老峰三字蔡
可泉書洞門嵌鎖四字復○○○書洞門重
開四字穆相書仰思二字劉平嵩書白鹿洞
三字俱在前右山何遷書白鹿洞三字彭治
書尋樂處三字俱在洞口

流芳橋橋在迴流山下亦名濯纓橋石劄宋陳
宓刻流芳二字於橋址又劄流芳橋志於橋
東壁題名志云新安朱侯在罷建橋白鹿

之東南陬面直五老溪流緝潔朱之名同遊
江西張琚羅思姚康卿燕潘柄郡人李燔胡
泳繆惟一會講洞學畢相與歌文公之賦特
名流芳既揭楣間因紀岸左嘉定戊寅四月
丙午莆陽陳宓書

溪口橋橋去迴流山二里許俗呼觀音橋其北
有石華表中館舖在其南曩者以此為書院
水口而溪流未盡其交鎖織結則前梅溪湖
是也

原石橋橋去書院五里在羅漢嶺下東通驛路
西入書院淳熙五年文公建今重建

昇樂橋志舊名顏家橋以魯公故居得名文
公脩之以通白鹿洞萬曆十九年郡守田瑄
重脩以入顏公祠而鼎建石橋於澗左以通
舊路更名曰昇樂橋

梅溪湖為書院水口湖去書院可十里所溪流
曲折未可僕數兩山夾送直至大江而止東
一山自書院左翼山迤至迴流奔馳至湖為
徐家嶺中分一支以作徐嶺左關差短西一
山自羅漢嶺逆拖至湖包絡徐嶺至梅溪湖

中水口有二曜星彭蠡之水接我內潮陽儲
七峰作我文筆真廉洞之營結在彭之大會
也僉議藍枋徐嶺以收風氣尚有待焉

華蓋石在石牛山東南二里所與楊梅橋相值
上大下小其上圍三數丈載以一幹亭亭如
張蓋故謂之華蓋文公詩云醉扶藜杖夕盤
桓四逸烟蘿手自捫此石至今無間處祇應
來自太微垣石刻文公書風雩二字於其上
題志朱仲晦父與王之才楊子直蔡季通胡
子先鄧缺老胡仲開同飲此石望五老峰淳

西入書院淳熙五年文公建今重建

昇樂橋題志舊名顏家橋以魯公故居得名文
公脩之以通白鹿洞萬曆十九年郡守田瑄
重脩以入顏公祠而鼎建石橋於澗左以通
舊路更名曰昇樂橋

梅溪湖為書院水口湖去書院可十里所溪流
曲折未可僕數兩山夾送直至大江而止東
一山自書院左翼山迤至廻流奔馳至湖為
徐家嶺中分一支以作徐嶺左關差短西一
山自羅漢嶺逆拖至湖包絡徐嶺至梅溪湖

中水口有二曜星彭蠡之水接我內潮陽儲
七峰作我文筆真鹿洞之營結匪彭之大會
也僉議豎枋徐嶺以收風氣尚有待焉

華蓋石在石牛山東南二里所與楊梅橋相值
上大下小其上圍三數丈載以一幹亭亭如
張蓋故謂之華蓋文公詩云醉扶藜杖上盤
桓四逸烟蘿手自捫此石至今無間處祇應
來自太微垣石刻文公書風雩二字於其上
題志朱仲晦父與王之才楊子直蔡季通胡
子先鄧缺老胡仲開同飲此石望五老峰淳

西入書院淳熙五年文公建今重建

昇樂橋志舊名顏家橋以魯公故居得名文
公脩之以通白鹿洞萬曆十九年郡守田瑄
重脩以入顏公祠而昇建石橋於澗左以通
舊路更名曰昇樂橋

梅溪湖為書院水口湖去書院可十里所溪流
曲折未可僕數兩山夾送直至大江而止東
一山自書院左翼山迤至迴流奔馳至湖為
徐家嶺中分一支以作徐嶺左關差短西一
山自羅漢嶺逆拖至湖包絡徐嶺至梅溪湖

中水口有二曜星彭蠡之水接我內潮陽儲
七峰作我文筆真鹿洞之營結匡彭之大會
也僉議豎枋徐嶺以收風氣尚有待焉

華蓋石在石牛山東南二里所與楊梅橋相值
上大下小其上圍三數丈載以一幹亭亭如
張蓋故謂之華蓋文公詩云醉扶藜杖少盤
桓四遠烟蘿手自捫此石至今無間處祇應
來自太微垣石刻文公書風雩二字於其上
題志朱仲晦父與王之才楊子直蔡季通胡
子先鄧缺老胡仲開同飲此石望五老峰淳

西入書院淳熙五年文公建今重建

昇樂橋志舊名顏家橋以魯公故居得名文
公脩之以通白鹿洞萬曆十九年郡守田瑄
重脩以入顏公祠而昂建石橋於澗左以通
舊路更名曰昇樂橋

梅溪湖為書院水口湖去書院可十里所溪流
曲折未可僕數兩山夾送直至大江而止東
一山自書院左翼山迤至迴流奔馳至湖為
徐家嶺中分一支以作徐嶺左關差短西一
山自羅漢嶺逆拖至湖包絡徐嶺至梅溪湖

中水口有二曜星彭蠡之水接我內潮陽儲
七峰作我文筆真廉洞之營結匡彭之大會
也僉議豎枋徐嶺以收風氣尚有待焉

華蓋石在石牛山東南二里所與楊梅橋相值
上大下小其上圍三數丈載以一幹亭亭如
張蓋故謂之華蓋文公詩云醉扶藜杖夕盤
桓四遠烟蘿手自捫此石至今無問處祇應
來自太微垣石劄文公書風雩二字於其上
題志朱仲晦父與王之才楊子直蔡季通胡
子先鄧缺老胡仲開同飲此石望五老峰渾

西入書院淳熙五年文公建今重建

昇樂橋題志舊名顏家橋以魯公故居得名文
公脩之以通白鹿洞萬曆十九年郡守田瑄
重脩以入顏公祠而鼎建石橋於澗左以通
舊路更名曰昇樂橋

梅溪湖為書院水口湖去書院可十里所溪流
曲折未可僕數兩山夾送直至大江而止東
一山自書院左翼山迤至廻流奔馳至湖為
徐家嶺中分一支以作徐嶺左關差短西一
山自羅漢嶺逆拖至湖包絡徐嶺至梅溪湖

中水口有二曜星彭蠡之水接我內潮陽儲
七峰作我文筆真鹿洞之營結匡彭之大會
也僉議豎枋徐嶺以收風氣尚有待焉

華蓋石在石牛山東南二里所與楊梅橋相值
上大下小其上圍三數丈載以一幹亭亭如
張蓋故謂之華蓋文公詩云醉扶藜杖夕盤
桓四逸烟蘿手自捫此石至今無問處祇應
來自太微垣石劄文公書風雩二字於其上
題志朱仲晦父與王之才楊子直蔡季通胡
子先鄧缺老胡仲開同飲此石望五老峰淳

熙七月上章困龍孟缺癸酉缺書有周願聖
壽無疆頌

三疊泉亦名三級泉亦謂之水簾泉泉下注盤
石分疊為三紀遊集云上級如飄雲中級如
碎玉下級如玉龍走潭真天下之奇景赤谷
簾瀑布所可方也澗中有石門僅通人行俗
謂之關門石劉世揚謂之玉川門其壯壁有
世揚玉川門三大字李夢陽則指為白鹿洞
今人跡罕到

夢遊廬山記入壑行並澗踏石漸巉崑數里

至白鹿洞此澗之鎖口也群峰夾澗峭立巨石怒撐交加水湍急石闔旁有罅人偃倭穿之過洞復並澗轉北行數里至水簾泉然踞過澗愈險絕行徑鳥道石罅間人跡罕至矣三疊之水出自大月山之東北凡廬山之泉多循崖而瀉乃三疊之泉不循崖瀉由五峯北崖口懸注大盤石裊裊如垂練既激於石則摧碎散落蒙密紛紜如雨如霧噴濺二級大盤石上會為洪流下注龍潭轟轟萬人鼓也蒼崖峭削中豁如門有石橫亘龍潭之脣如

闕謂之水簾洞石劖宋嘉定及元呂師中刻皆漫漶不可識又潭中石柱刻宋紹熙鈔年缺月太守史文卿至此書天泉二大字又北崖劖谷簾泉三大字又三疊泉出大月山下九字又上有刻皆高不可辨文公與黃尚伯楊伯起二書見後文志

棲賢橋橋去書院西五里寺去橋二里南唐李渤讀書處也以渤故謂之棲賢洪武中以造偽鈔廢其田地山塘悉入書院寺東為玉淵潭潭在三峽澗中諸水合流奔注驚湧潭上

有白石如羊橫亘中流故名玉淵張孝祥劄
玉淵二大字餘皆蘇剝不可辨玉淵之南有
棲賢橋即三峽橋也作於宋祥符間長亘百
尺締構壯偉橋西北有玉峽亭正德中郡守
陳霖建壁鐫錢聞詩棲賢詩文公有棲賢磨
崖志黃山谷有棲賢橋銘石劄三峽橋三大
字橋下石上有馬朋金井二大字

卧龍岡岡在五乳峰下有三潭其二在岡巔一
在岡下谷中潭水與開先瀑布同源而分中
有黃石數丈橫據潭心蜿蜒若龍岡巔之水

直下三數十丈奔注之湍激漩湧以故名焉
庵在潭東數百步朱子守南康時庵廢復建
庵而繪武侯像於其中又別於潭傍立亭曰
起亭又亭於庵之傍曰脩志亭買田若干頃
欲俟解組居之會遷官去南康不果今並廢
我明嘉靖中都御史何遷復就潭北建起亭
而刻出師表及文公詩於石後移武侯主於
洞配以晉處士陶靖節先生萬曆辛卯郡守
田瑄特祠洞石

白鹿洞書院志卷之三

主洞周偉洞生

戴策獻表 熊 續校 傾黃希孔

人物志

附經史子籍

唐三人

李涉字清之洛陽人渤之兄初隱廬山白鹿洞

憲宗時為太子通事舍人太和中為太學博

士自號目溪子今祀先賢祠

李渤字濬之涉之弟資性穎脫刻志于學貞元

中與兄偕隱廬山養白鹿自娛後徙少室山

元和初以右拾遺召不赴韓退之貽書有景

星鳳凰爭先快覩之語後起為諫議大夫屢以直言斥而節氣不衰寶曆中為江州刺史復即白鹿洞創臺榭植花木為一時之勝稱白鹿先生今祀先賢祠

顏翊魯公真卿後少孤篤志先業善詞翰謹禮法率子姓三十餘人受經白鹿洞寓居二十餘年進脩不怠後從仕永新墓存今祀先賢祠

五代四人

李善道南唐人為國子監九經昇元中建國學

于白鹿洞以善道為洞主學徒數百人皆為時望今祀先賢祠

朱弼南唐人廬山國學助教動持禮法每升講堂諸生環立質疑問難弼應聲剖析悉究其極四方來學者多所造就今祀先賢祠

伍喬廬江人南唐時讀書廬山國學苦節自勵尤精于易嘗試畫八卦賦中式第一累官考功郎

江為建州人梁侍中淹後與廬陵劉洞為友同師處士陳貺讀書白鹿洞二十餘年屢舉不

第元宗視學見其題壁詩大為稱賞然卒無
薦引者

宋三十四人

楊徽之字仲猷建州浦城人南唐時讀書白鹿
洞後仕宋為諫議大夫遷翰林學士禮部侍
郎太宗嘗選其詩十聯寫于御屏景祐二年
詔曰徽之先帝宮僚贈太子太師謚文莊

劉式字叔度清江人南唐時讀書白鹿洞試三
傳狀元及第太宗素重其名以為鴻臚大理
丞終刑部郎官五子相繼登第諸孫敞卯允

以文學顯時號二劉五世孫清之藏其手書
孟子管子書云是洞中日課見朱子跋語

劉元享字子嘉南康人宋初讀書白鹿洞有操
行弟子禮事之今祀先賢祠

蒯鼈宣城人家貧好學讀書白鹿洞以文章稱
性廉直重然諾太平興國五年擢進士第累
官至殿中丞隱歸廬山以詩酒琴棋自娛與
諸葛濤盧絳號廬山三友云

周述不知何許人太平興國中知江州上言白
鹿洞學徒數百乞賜九經使習業之詔從其

請俾國子監驛送至洞

明起宋初為白鹿洞主學徒數百人太宗既從周述之請頒賜印本九經于洞尋以起為蔡州褒信縣主簿今祀先賢祠

段鵠字正已廬陵人宋端拱進士與琅琊王儼建陽李寅孟歸唐入廬山國學讀書十餘年並有時名

孫琛新淦人比部郎中父冕與王欽若同郡欽若若在相位冕又次館職不調晚得蘓州已及引年即謝事去祥符初嘗乞白鹿洞以為歸

老之地詔許之然未至而卒琛承先志乃即其地家焉因堊之洞後題曰孫史館之墓皇祐中琛增置學館以教其子弟四方來學者餼食焉郭祥正有記

劉渙字凝之其先筠州人登進士官穎上令節高不能容於世年四十掛冠隱廬山歐陽脩賦廬山高以贈之後與嘉禾陳舜俞粟黃犢往來山中李龍眠嘗圖之并歌以詩渙尤愛寶峰西澗山僧結茅以待之時號西澗居士後郡守朱文公即其地創清淨退庵又初壯

節亭於墓墓在南康軍西門今祀先賢祠

陳瓘字臺中南劍沙縣人熙寧中為右司諫坐

論蔡京父子竊南康往來山中甚適自稱曰

了翁朱子立祠於郡學而刻其墨帖於白鹿

洞今祀先賢祠

劉恕字道源渙子也年十八赴禮部應詔脩春

秋禮記大義擢第一為鉅康主簿遷和州令

司馬光脩資治通鑑薦恕兼脩史事王荊公

欲引為三司條例固辭不就曰天子屬公政

柄宜張堯舜之道以佐明主尋以親老乞監

南康軍酒稅許之令即官脩書官至秘書丞

年四十七卒先塋徙父墓後其子義仲遷其

墓于德化今祀先賢祠

周敦頤字茂叔歸濂溪先生博學力行聞道甚

早熙寧間知南康軍興學善俗民從其化士

宗其學襟懷飄灑雅有高趣尤樂佳山水遇

適意處徜徉終日匡廬之麓有溪蒞源於蓮

花峰下合於湓江先生濯纓而樂之因取營

道所寓以濂溪為號而築書臺於其上文公

繼守建祠祀之配以二程今祀宗儒祠

朱熹字元晦號晦庵先生新安人淳熙知南康
軍勸學教民興利除害築紫陽閣堤以停泊
舟楫至今賴之屬邑星子土瘠稅重乞從蠲
減章凡五六十上歲值不雨講求某政多所
全活數詣郡學引進士子與之講論訪求白
鹿遺址奏復其舊又奏乞賜書院勅額及高
宗御書石經版本九經註疏等書條列教規
以示學者為學六端每休沐輒一至諸生質
疑問難誨誘不憚退則相與徜徉泉石間竟
日乃還後遷提舉湖南東召對延和殿言甚切

又言白鹿書院請賜書額先是執政使人諭
先生且宜勿言先生因念主上未必有鄙薄
儒生之意而大臣先為此言不可及對卒言
之去郡後每遺書諸賢惓惓以洞學為念先
生興復倡明之功莫可具述詳見各志今祀
宗儒祠

陸子靜字九淵號象山金谿人父曰陸賀有六
子子靜尤著登乾道八年進士第調隆興靖
安簿屢遷將作監丞終于荆門守所至有異
政丞相周必大嘗稱荆門之政以為躬行之

效卒謚文安子靜嘗與文公會鷺湖論辯多不合文公守南康時子靜與其徒朱克家等至自金陵請書其兄子壽墓銘先生引與俱至白鹿書院請升講堂子靜以君子小人喻義利章發論聽者至有泣下先生以為切中學者隱微汲錮之病請書于策以諭同志今與周朱並祀宗儒祠

劉清之字子澄號靜春叔度五世孫也其貧力學登紹興二十七年進士第為宜春簿尋調高安丞奉漕帥檄推行諸郡荒歉有異績擢

宜黃令侍臣龔茂良周必太交薦其賢孝宗召對除太常寺簿通判鄂州終袁州守清之與文公交游甚厚亦嘗訪文公於南康止白康洞有同遊三峽諸作

林擇之字用中閩人從文公遊最久文公在江南康時擇之亦嘗講學于洞

以下十四人從祀宗儒祠

蔡沈字仲默號九峯建陽人文公門人作尚書傳

黃幹字直卿號勉齋閩人學于文公文公嘗曰直卿志堅思苦與之處甚有益後以子妻之

病革時則以沒不及所著書盡與幹曰吾道
在是矣後入廬山訪李燔陳宓相與盤旋玉
淵三峽間俛仰文公舊跡講乾坤二卦於白
鹿書院山南北之士皆群集聽講

呂炎字德明建昌人兄弟五人同遊文公之門
炎與燾尤知名

呂燾字德昭號月坡

胡泳字伯量建昌人文公門人稱洞源先生

李燔字敬子號弘齋建昌縣人紹熙初登進士
授岳州教授未赴先從文公於建陽文公曰

敬子勇進可畏及至岳州教士古文六藝改
襄陽教授文公之沒也會學禁嚴而燔獨率
其同門往會葬焉後郡守請為白鹿書院堂
長學者雲集講學之盛他郡無比

黃灝字商伯號西坡都昌縣人宋隆興間舉進
士終廣西轉運判官文公守南康時灝從焉
後冒禁奔喪人義之卒謚文懿

彭方字季正號強齋都昌人文公守南康時受
業於門弱冠魁省闈始授池州教授遷景陵
令轉歙縣令以薦入直閣尋為袁州提舉召

除司業陞祭酒兼侍講執法殿中至兵部侍郎
即免加文華閣龍圖學士卒謚文定

周邦字植叟星子縣人博雅好古篤學工文以
聘為洞正動於訓誨至老不倦集朱子語錄
自號居士云

彭蠡字師範都昌縣人亦文公守南康時門人
號梅坡官至吏部尚書贈龍圖閣學士

馮椅字奇之號厚齋都昌人文公門人登進士
授德興尉調江西運幹贈尚書既而家居授
徒所著易詩書語孟太極圖西銘輯說孝經

章句喪禮小學孔子弟子傳續史記及詩文
志錄合二百餘卷

張洽清江人文公門人嘉定中中第授松滋尉
改袁州司理參軍後通判池州以病請祠時
袁甫提點江東以白鹿書院廢弛招洽為長
洽曰嘻是先師之跡也其可辭至則擇諸生
好學者日與講說而汰其不率教者其養士
之田見侵於豪右者悉力復之

陳宓字師復莆田人丞相俊卿之子少為文公
門人嘉定間知南康軍有政轂公暇即造白

鹿洞與諸生講學今洞中石刻多其餘蹟
錢聞詩字子言吳都人淳熙辛丑代文公知南
康軍有興建之功

朱端章淳熙癸卯知南康軍置洞學田菜百餘
畝以贍四方之來學者

黃桂嘉定辛巳知南康軍置西源莊以為洞學
田

劉傳漢咸淳間知南康軍置貢士莊以給士養
陳洽知南康軍興學勸農建白鹿洞書院友善
堂初文昌宮立天下名山大川橋亭及宇宙

山亭

元四人

黃異字民同號節庵灝之後讀書白鹿洞至元
間領鄉薦授惠州學錄遷道源書院山長值
兵亂棄官歸隱講論經史開悟後學陳文諒
據江州聘之不起祀先賢祠

陳炎酉至元間為南康路總管繕脩書院且有
功于民生祠祀之

熊升豐城人至元間為星子令政暇入洞與諸
生講學多所啟沃

崔翼之字鵬舉燕山人大德間為南康守增置
洞學田百畝學士虞邵庵為記其事

國朝十三人

王禕字子克義烏人幼秀爽奇敏師事黃文獻
公潛洪武初授江西儒學提舉司校理遷起
居注同知南康府事嘗遊白鹿洞有記未幾
召脩元史擢翰林侍制兼國史編脩奉使雲
南為梁王把都所害正統間追贈翰林學士
謚忠文

翟溥福東莞人由進士歷官刑部郎中正統丙
辰出知南康郡為政知大體不屑意於文法
之末惟以興教善俗為務時洞學久廢得其
類址於荆棘中謀興復之首捐俸以經其始
復諭士民之尚義者佐之區畫有方曾未數
月而殿堂齋舍秩然咸備至今賴之

陳敏政錢塘人由進士歷官太平府通判景泰
五年擢南康知府嘗建白鹿洞貫道橋於洞
學有功

李齡潮陽人由詹事府丞成化乙酉擢江西提
學僉事其教人必先德行而後文學到任之

明年考課南康首詢白鹿洞學即命駕瞻拜
慨然有興復之志乃擇取遠近端敏之士肄
業其中以講聖賢之學士知嚮風而不為俗
尚所蔽公之功為多今祀先賢祠

胡居仁號敬齋餘干人躬耕孝弟力行有聞學
者宗之成化間提學僉事李齡嘗請至洞主
教事理學復興今祀先賢祠

蘓葵字伯誠順德人江西提學僉事性剛介不
苟合因與太監董讓構陷執理官陰附讓將
刑之南昌諸生數百人號泣白冤擁入杖葵

去自是其名愈彰於洞學尤有功今祀先賢
祠

陳銓字秉衡永州人江西監察御史弘治戊午
按南康考學田為僧寺所據者多為汙萊廢
壞不敷養士之需乃収市寺田九百畝以供
祀事以贍學徒於洞學有功詳見何喬新等
記今祀先賢祠

邵寶字國賢直隸無錫人江西提學副使取士
先德行而後文藝士多宗之至今號稱得人
弘治辛酉視學至南康振起洞學作諭來學

又謂學者立心之始幾莫大於誠偽辯莫先於義利欲學者暫輟進取以待學成然後出用又教諸生習士相見禮以專志古人之學再至洞俛仰五老之勝作獨對亭以對之自為記今祀先賢祠

蔡清字介夫晉江人江西提學副使學術醇正議論精確其教人必極其蘊奧至洞開示諸生各盡其性士心丕變至今師之今祀先賢

祠

劉定昌字邦泰綦江人以南京戶部郎中弘治

丙辰為南康府知府有功於洞學

李夢陽字獻吉扶溝人江西提學副使剛介不屈才氣高古正德辛未壬申兩以歲事按試南康公餘詣書院進諸生講明經學記宗儒獨對釣臺六合諸亭大書貞石慮溪泉不可飲鑿井於先賢祠後清查學田作新志

唐龍字虞佐蘭谿人江西巡按御史正德庚辰

按南康首詣書院謁先聖畢訪查書籍田畝無官綜理奏起原任興化府教授蔡宗克以為南康府教授專主洞事星子縣歲另給

以二力一馬洞租內月另支以米三石以為
 常規事下部議從之 本朝未有以白鹿洞
 主為請者茲從其請亦異數也今祀先賢祠
 蔡宗充字希淵山陰人由進士授福建興化府
 學教授踰年而歸正德庚辰御史唐龍上疏
 起為白鹿洞主乃授南康府學教授主白鹿
 洞敦復洞規士風丕變辛巳都御史王守仁
 遺白金五十兩為勸公署會功成乃轉屬之
 郡增置學田學者至今稱之

附書籍總目

聖製

大明律 一本

存心錄 五本

洪武正韻 五本

孝順事實 二本

大明一統志 二十四本

大明會典 五十本

明倫大典 十二本

經部

易經大全 十本

易經本義 三本

古易訓測 五本

易經正義 四本

書經大全 五本

書經註疏 四本

書經正義 三本少一本

詩經集註 三本

詩經註疏 十本

春秋註疏 十二本

春秋左傳 四本

春秋公羊註疏 四本

穀梁傳 三本

春秋胡傳 五本

又春秋左傳 十五本

禮記正義 八本

禮記集說 八本

禮記註疏 十二本

周禮註疏 八本

儀禮註疏 六本

儀禮集說 八本

儀禮通解 四十本

二禮通解 十本

大戴禮 二本

禮書 十二本

樂書 十二本

六經正誤 四本

五經正文 八本

史部

孔子家語 一本

四書大全 十本
內缺大學孟子

四書集註 五本

論語註疏 二本

孟子註疏 三本

爾雅註疏 二本

武經總要 七本
十六本少

戰國策 二本

通鑑綱目 二部
內一部四十二本全一部不全

史記 二十本

紀事本末 四十二本

古史 六本

後漢書 二十四本

前漢書 二十六本

晉書 四十本

南史 十六本

南齊書 十二本

梁書 十本

北書 二十四本

北齊書 八本

周書 十本

隋書 二十本

唐書 五十本

唐鑑 四本

南唐書 二本

五代史 八本

宋史 一百本內少二本

宋元綱目 七本

元史 五十本

管見 十本

通志略 一百二十本內少一本

江西通志 二十本

增城志 四本

新泉精舍志 三本

寧波府志 十六本

南康府志 四本

虔台志 六本

崇德縣志 二本

零都縣志 二本

都昌縣志 一本

龍南縣志 一本

宋名臣言行錄 十二本

群忠事略 一本

江西大志 四本

太平府志 五本

三遷志 四本

評史抄論 二本

子集部

賈大傳新書 二本

論衡 六本

古今列女傳 二本

兩漢奏議 四本

陶靖節集 二本

韓昌黎文 八本

柳文 十本

又柳文 八本

歐文忠集 二十四本

趙清獻集 四本

黃山谷集 四本

山谷刀筆 四本

蘓文忠公集 十五本

又蘓文 三十本

司馬公集 十二本

二程全書 十本

二程遺書 四本

外書 一本

分類遺書 五本

外書 一本

龜山語錄 二本

上蔡語錄 二本

南豐文集 二本

延平問答 一本

朱子大全 四十本

朱子語略 四本

晦翁文集 四本

少十象山文集 四本

象山粹言 三本

象山語錄 二本

象山語要 一本

羅豫章文集 二本

遵道錄 二本

文章正宗 十六本

續文章正宗 二本

濂洛風雅 二本

伊洛淵源 三本

文獻通考 六十本

玉海 八十本 少三本

文翰大成 六十四本

六書統 十六本

書學正韻 十六本

皇明政要

秦漢文抄 十二本

皇明文衡 二十本

皇明登科錄 四本

薛文清公要語 二本

保齋策 二本

李旴江集 六本

道園學古 六本

讀書叢說 二本

大儒奏議 二本

大全私抄 六本

王抑庵集 十七本

胡子粹言 一本

吳康齋集 二本

胡敬齋集 一本

居業錄 一本

何椒丘集 七本

何莫軒詩集 十本

大學衍義補 四十本

何椒丘集 八本

湛甘泉集 二十本

體認天理通 三本

李空同文集 六本少

王襄敏公集 三本

陽明全集 二十四本

霍文敏集 十本

張文忠公奏疏 五本

東湖子集 四本

紀遇集 六本

東州初稿 六本

思問錄 二本

南野文集 十本

二業合一錄 四本

棠陵詩集 四本

羅念庵集 八本

胡莊庸公集 十二本

瑞鶴堂詩稿

定性書釋 二本

太極圖測 二本

會稽三賦 一本

正學編 一本

雙泉雜記 一本

赤城集 九本

葉子書稿 一本

安福業錄 三本

詞海遺珠 一本

重訂石門集 二本

今獻彙言 八本

苑洛志樂 十二本

夏遊記 一本

冬遊記 一本

唐律類抄 二本

詩話總龜 十本

梅田遺稿 二本

芝園集 十本

潘簡肅公集 四本

滕王閣集 二本

條例備考 三十本

古今韻會 十本

讀書錄抄 一本

瓊臺會稿 六本

藝林 四本

唐宋七言詩 四本

正揚 二本

忠武錄 二本
經學理 屈 一本

本洲初稿 六本
辯惑臆說 一本

萬曆癸卯夏象

拔院吳 發書貳部

諸儒語要 四本

訓士錄 十本